

U skladu sa odredbama člana 12. i člana 15. Pravilnika o uvođenju, kategoriziranju i dodjeljivanju nagrada Fondacije „Idriz Jakupović“, na osnovu Izvještaja Komisije za dodjelu nagrada za učeničko zalaganje „Alumnus fundatio“, u cilju promoviranja najviših civilizacijskih vrijednosti i postignuća u društvu u kategoriji učeničko zalaganje, Upravni odbor Fondacije „Idriz Jakupović“ na svojoj 14.sjednici koja je održana dana 02.04.2018.godine u Prijedoru, donio je s l j e d e ć u

ODLUKU

**o dodjeli nagrade za učeničko zalaganje
„Alumnus fundatio“**

n a i m e

MIRZA REDŽIĆ

iz Bosne i Hercegovine.

Obrazloženje

Komisija za dodjelu nagrade za učeničko zalaganje „Alumnus fundatio“, u sastavu: Senija Jakupović, nastavnik (Bosna i Hercegovina), predsjednik, Mato Šupuković, diplomirani pravnik (Hrvatska), član, Amir Mešić, diplomirani socijalni radnik (Njemačka), član, Tamara Jakupović, diplomirani psiholog (Bosna i Hercegovina), član, Sanel Liđan, diplomirani ekonomista (Italija), član, Sead Softić, preduzetnik (Hrvatska), član, Fahrudin Bahtić, diplomirani ekonomista (Bosna i Hercegovina), član, imenovana je od strane Upravnog odbora Fondacije „Idriz Jakupović“ odlukom broj: 03-02/2018 od 16.02.2018.godine da izvrši postupak vrednovanja nominiranih kandidata za dodjelu nagrade Fondacije u datoj kategoriji.

Za predmetnu nagradu Fondacije, u užem krugu izbora, nominiran je jedan kandidat i to: Mirza Redžić iz Bosne i Hercegovine.

Komisija je, u skladu sa datim Kriterijima (interni broj:KKDN-01-1/2018), izvršila vrednovanje nominiranih kandidata i zaključila da nominirani kandidat Mirza Redžić ima najveći rang osvojenih bodova, o čemu je sačinjen Izvještaj imenovane Komisije broj: N-6/AF od 30.03.2018.godine, koji je upućen Upravnom odboru Fondacije na razmatranje i usvajanje.

Razmatrajući predmetni Izvještaj Komisije, Upravni odbor Fondacije je na svojoj 14. sjednici koja je održana dana 02.04.2018.godine odlučio kao u dispozitivu.

U prilogu se dostavljaju relevantni biografski podaci o dobitniku nagrade.

Broj odluke Upravnog odbora: 06-05/2018

Datum Odluke: 02.04.2018. godine.

Direktor Fondacije
Dr.med.dent.Ajdin Jakupović

Predsjednik Upravnog odbora Fondacije
Prof.dr.sci.Sanel Jakupović

PRILOG

uz Odluku Upravnog odbora Fondacije za stipendiranje učenika i studenata „Idriz Jakupović“ o dodjeli nagrade za učeničko zalaganje „*Alumnus fundatio*“, broj: 06-05/2018 od 02.04.2018.godine

BIOGRAFSKI PODACI O DOBITNIKU NAGRADE „*ALUMNUS FUNDATIO*“

MIRZA REDŽIĆ



Fotografija Mirza Redžić

Mirza Redžić je rođen 24.10.1998.godine u Sanskom Mostu. Pohađa četvrti razred Gimnazije „Sveti Sava“ u Prijedoru. Prvih pet godina osnovne škole završio je u Osnovnoj školi „Dositej Obradović“ u područnom odjeljenju Čarakovo-Prijedor sa prosječnom ocjenom 5.00. Zatim je prešao u centralno odjeljenje Osnovne škole „Dositej Obradović“ u Prijedoru, gdje je takođe sa prosječnom ocjenom 5.00 završio ostatak osnovnog obrazovanja kao učenik generacije i nosilac Vukove diplome.

Po završetku osnovne škole uručeno mu je priznanje gradonačelnika Grada Prijedora za izvanredno ostvarene rezultate u toku osnovnog obrazovanja. U toku osnovne škole je završio stepen B1,2 kursa naprednog engleskog jezika sa najvišom ocjenom i na finalnom testu osvojio 96% bodova.

Nakon osnovne škole upisao je opšti smjer Gimnazije „Sveti Sava“ u Prijedoru gdje je nastavio ostvarivati slične rezultate. Već 6 godina aktivno pohađa mnoge sekcije i dodatne nastave i ostvaruje zapažene rezultate sa istima. 6 godina je član dodatne nastave iz matematike gdje se usmjerava na teorijske dijelove matematike. U februaru 2018 predao je predprijavu na Univerzitet FAMNIT u Kopru na smjer teorijske matematike i primljen je kao prvi izbor. Više puta je učestvovao na različitim nivoima takmičenja iz matematike i ostvario je sljedeće rezultate: dva prva mjesta na opštinskim takmičenjima, jedno drugo mjesto na regionalnom takmičenju, tri treća mjesta na regionalnom takmičenju, jedno četvrto mjesto na regionalnom takmičenju i četvrta nagrada i priznanje na republičkom takmičenju iz matematike. Takođe 6 godina pohađa dodatnu nastavu iz fizike gdje je izlazio na mnoga takmičenja i ostvario zapažene rezultate: dva druga i tri treća mjesta na regionalnim takmičenjima. Ove godine se takođe plasirao na regionalno takmičenje iz fizike. Već tri godine je član sekcije robotike i programiranja lego robota, sa kojom se takmičio kao član ekipe Gimnazije „Sveti Sava“ u Prijedoru na regionalnom takmičenju, gdje su učenici 2015 godine osvojili prvo mjesto, plasiravši se tako na međunarodno takmičenje koje je održano u Srbiji iste godine, gdje su zauzeli peto mjesto. 2017 je pozvan u naučno istraživački centar Petnica, u Srbiji, u okviru seminara Tehničkih nauka, koji je obuhvatio mnoge oblasti uključujući: matematiku, fiziku, elektrotehniku, astronomiju i programiranje. Tu je napisao seminarski rad i održao prezentaciju iz Astrofizike na temu „Primjena Hablovog zakona u astrofizici“.

Pored nastavnih, postizao je značajne rezultate i u vannastavnim aktivnostima. Od svoje pete godine, bavi se tenisom. Učestvovao je na mnogim lokalnim, regionalnim, republičkim i državnim turnirima i vlasnik je preko 30 nagrada iz ovog sporta od kojih izdvajamo neke: 4 puta za redom je proglašen najboljim igračem Prijedora u svojoj kategoriji, što je opravdao osvojivši 3 zlatne i jednu srebrnu medalju na lokalnom prvenstvu grada. Osvojio je mnoga republička prvenstva i zaslužno držao dugo prvo mjesto na rang listi teniskog saveza Republike Srpske. Pozvan je na Masters Republike Srpske dva puta, gdje je osvojio jedno prvo mjesto, a drugi put pri vodstvu od 1:0 u setovima bio primoran da usljed povrede preda meč i tako se zadovolji drugom nagradom. Osvojio je mnoga takmičenja državnog nivoa, od kojih ističemo otvoreno prvenstvo u Brčkom i zatvoreno prvenstvo u Mostaru. U Zagrebu je u svojoj kategoriji odnio zlatnu medalju, ne izgubivši ni jedan set na zatvorenom prvenstvu Hrvatske i osvojio je prvo mjesto u Novskoj u Hrvatskoj. Ostvarivši izvanredne rezultate, plasirao se u reprezentaciju BiH sa kojom je na ekipnom prvenstvu nastupio u Sofiji u Bugarskoj. Takođe, na turniru iz kalendara Tennis Europe ostvario je drugo mjesto u kategoriji parova.

U slobodno vrijeme voli da istražuje zanimljive pojave vezane za fiziku, a posebno ga zanimaju polja astrofizike i klasične mehanike. Takođe pokazuje interesovanje za svjetsku književnost različitih perioda, a posebno mu pažnju privlače francuski simbolisti (naročito Boder), zatim ruski književnici i pjesnici, a posebno S. Jesenjin i F.M. Dostojevski, pod čijim uticajem je i *sâm počeo da piše. U toku amaterske književne karijere, napisao je jednu zbirku pjesama, preko 30 kratkih priča i pripovjetki i začeo jedan psihološki roman. Samouki je gitarista i svira već 5 godina, u toku kojih je imao nekoliko javnih nastupa uključujući i jedan humanitarni koncert održan u Prijedoru. Trenutno radi na usavršavanju sposobnosti komponovanja gitarskih aranžmana i audio produkcije.*